



Blong karem draeva laesens blong yu

Wan Kaed Blong Ol Woka Blong Pasifik Mo Timor-Leste Long Ostrelia

Yu mas gat wan stret laesens blong yu save draev long Ostrelia. Sapos yu draev we nogat wan laesens we i stret bae yu stap brekem loa.

Proses blong karem draeva laesens blong yu long Ostrelia hemi dipen long ples we yu stap long hem – long wanwan stet i gat ol difren step blong folem blong karem wan draeva laesens. Blong save wea blong yu save aplae long draeva laesens blong yu, lukim tebol daon ia.

Australian Capital Territory (ACT)	Transport – Access Canberra: https://www.accesscanberra.act.gov.au/driving-transport-and-parking/licences (proses blong folem blong karem draeva laesens blong yu long ACT hemi difren long ol narafala ples long kantri)
New South Wales	Service NSW: https://www.service.nsw.gov.au/guide/getting-a-nsw-driver-licence
Northern Territory	Department of Transport: https://nt.gov.au/driving
Queensland	Department of Transport and Main Roads: https://www.tmr.qld.gov.au/
South Australia	Department for Infrastructure and Transport: https://www.mylicence.sa.gov.au/
Tasmania	Department of State Growth: https://www.stategrowth.tas.gov.au/
Victoria	VicRoads: https://www.vicroads.vic.gov.au/
Western Australia	Department of Transport: https://www.transport.wa.gov.au/



Long evriples long Ostrelia hemi tabu blong draev sipos yu drink alkol o tekem drug. Sapos yu drink alkol o tekem drug mo afta yu draev, bae yu save kilim no gud yu mo ol narafala pipol.

Stap sef long rod

Taem yu draev long Ostrelia yu mas mekem sua se yu wan gudfala mo sef draeva long rod. Hemi impoten tumas blong mas lanem ol rod rul mo maet hemi difren long wanem yu bin folem long hom kantri blong yu (olsem blong draev long lefsaed blong rod). Ol rul oli difren long evri stet mo teritri. Mekem sua se yu lanem ol rul blong ples we yu stap long hem. Sapos oli faenem se yu brekem loa, maet yu mas pem wan faen. Sapos hemi wan serius wan, oli save karemaot laesens blong yu o yu save fesem ol kriminol jaj.

Taem yu go insaed long wan trak yu mas:

- mekem sua se hemi sef blong draevem
- planem trip blong yu blong yu save stret rod blong folem
- mekem sua se yu no taed tumas mo oltaem stop blong spel smol sipos hemi wan longfala trip
- jekem ol apdeit long saed blong trafik mo eni jenis long kondisen blong rod
- Sapos yu save se bae yu drink alkol, plan blong gat narafala transpot blong yu no draev afta we yu drink.

Taem yu draev yu mas:

- fasem strap blong jea (ol draeva mo ol pasenja)
- draev anda long spid limit
- neva toktok o raetem mesej long fon blong yu
- folem ol rod rul, ol trafik saen mo ol mak blong rod
- fokas long rod mo no letem nara samting i distepem yu
- serem rod wetem ol narafala draeva long wan sef fasin
- draev slo long ol ples we oli wokem rod, long ol skul mo ol krosing blong railway.



Yu gat ol kwestin yet?

Rimemba se yu save toktok long tim lida

blong yu o emploia, o yu save kolek PALM sapot sevis laen long: 1800 51 51 31.



Australian Government

palmscheme.gov.au